

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 08.11.2018թ. թիվ 1808769284 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<04>> 12 2018թ. 14-13-121024-18/17-13-11204

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Մեսրոպ Կարլենի Հարությունյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Բարբյուսի փողոցի 63 շենքի 11 բնակարանի բնակիչ Մեսրոպ Կարլենի Հարությունյանը դիմումով հայտնել է, որ <<OPEL>> մակնիշի 34TP675 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել Ճանապարհային ոստիկանության վարչական տույժ նշանակելու մասին 08.11.2018թ. թիվ 1808769284 որոշումը՝ նշելով, որ իրավախախտումը կատարել է խաչմերուկում երթևեկությունը կարգավորող Ճանապարհային ոստիկանության ծառայողի ցուցումով:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Մեսրոպ Կարլենի Հարությունյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը վարչական ակտը վերանայելու հիմք չի կարող հանդիսանալ հետևյալ պատճառաբանությամբ.

Ճանապարհային ոստիկանության վարչական տույժ նշանակելու մասին 08.11.2018թ. թիվ 1808769284 որոշման հիմքում դրված տեսանյութը հստակ ապացուցում է դիմումատուի կողմից տրանսպորտային միջոցը միակողմ երթևեկությամբ ճանապարհով տրանսպորտային միջոցների հոսքին հակառակ ուղղությամբ վարելու փաստական հանգամանքը, այն չի վիճարկվում նաև վերջինիս կողմից: Տեսանյութում երթևեկությունը Ճանապարհային ոստիկանության ծառայողի կողմից կարգավորելու որևէ դրվագ չկա և դրա վերաբերյալ պնդումն արժանահավատ համարել հնարավոր չէ:

Ճանապարհային ոստիկանության ՃՊԾ 1-ին սպայական գումարտակի կողմից 22.11.2018թ. տրված տեղեկանքի համաձայն 21.10.2018թ. ժամը՝ 14:13-ին <<OPEL>> մակնիշի 34TP675 հաշվառման համարանիշի տրանսպորտային միջոցի վարորդի կատարած ճանապարհային երթևեկության կանոնների խախտումը տեսուչի ցուցումով չի եղել:

Այսպիսով, դիմումատուի արարքում առկա են Վարչական իրավախախտումների վերաբերյալ ՀՀ օրենսգրքի 124-րդ հոդվածի 14-րդ մասի հատկանիշները, հետևաբար նրան վարչական պատասխանատվության ենթարկելու մասին որոշումն օրինական է և հիմնավոր:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Մեսրոպ Կարլենի Հարությունյանի՝ Ճանապարհային ոստիկանության վարչական տույժ նշանակելու մասին 08.11.2018թ. թիվ 1808769284 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Մեսրոպ Կարլենի Հարությունյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Մեսրոպ Կարլենի Հարությունյանին և ՃՈ ՏՄՀԽԱ կենտրոն:



Ե.Կարապետյան